

Տ. ՆԱՐԵԿ ԱՔԵՂԱ ԱՎԱԳՅԱՆԻ ՔԱՐՈՉԸ՝ ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ ՄԱՏՈՒՅՎԱԾ Ս. ՊԱՏԱՐԱԳԻՆ

(1 փետրվարի 2004 թ.)

*«Զի հաց յԱստուծոյ է, որ իջանէ
յերկնից եւ կեանս տայ աշխարհի»:
(Հովհ. Զ 33)*

«Յանուն Հօր եւ Որդոյ եւ Հոգւոյն Սրբոյ, ամէն»:

Սիրելի և հավատարակից եղբայրներ և քույրեր, Հայոց մեր Մայր Եկեղեցու սրբազան հայրերը հափկապես Ծննդյան այս Դ կիրակիի ընթերցանության համար ընտրել են հետևյալ Ավետարանական հավածը՝ վերստին հրավիրելով մասնակից դառնալու սիրո այս սեղանին, «որովհետև Աստուծոց է այն հացը, որ իջնում է երկնքից և կյանք է տալիս աշխարհին»:

Ահավասիկ, թե ինչպես է խոսում Տերը՝ մեկ անգամ ևս անդրադարձ անելով Ս. Հաղորդության Սիրո Խորանին. «Ես եմ հացն կենաց, որ գայ առ իս՝ ոչ քաղցիցէ, եւ որ հաւաքայ յիս՝ ոչ երբեք ծարաւեսցի» (Հովհ. Զ 35): Կյանքի, ճշմարիտ կյանքի վարդապետությունն է ավանդել մեզ մեր Տերը դարեր առաջ, և այդ կյանքը սիրո դրսևորմամբ է արտահայտված, այն սիրով, որով Տերը սիրեց մեզ և պատվիրեց միմյանց սիրել, և որով պիտի Կենաց Բանին հետևողներ լինենք ու ճանաչվենք:

Մարդկային կյանքի ֆիզիկական գոյության առաջին նախապայմանների՝ ուրելիքի և ըմպելիքի համագոգորդումով հոգևոր կյանքի հավիտենական գոյության հարարն պայմանների կամ պահանջների է կոչում Քրիստոս, որպեսզի մեր կյանքը նոր՝ սիրո պատվիրանով կարողանանք միմյանց հետ միշտ կապակցել և այդ ընկերային սիրո հորդումի քաղցրությունը միախառնել Աստուծո սիրո հետ, որի կենդանի մարմնացումն է Հարուցյալ Փրկիչը, և Որը մարդու գոյության այն աստիճան անբակցելի մասն է, որ հանդիսանում է մարդկային կյանքի հաց, և Որի հետ հարարն, շարունակական հարաբերության կարիքն ունի կամ պիտի ունենա յուրաքանչյուր:

Հիսուս ասում է. «Ես եմ հացն կենաց» և երկու կարևոր շեշտադրում է կատարում.

Երբ Քրիստոսով քաղց ենք զգում, պետք է գնանք դեպի Իրեն:

Երբ Քրիստոսով ծարավ ենք, պետք է հավատանք Իրեն:

Այսինքն՝ եթե Ս. Հաղորդության այս Խորհուրդով մեր քաղցն ու ծարավն է հագնում, ուրեմն պետք է հավատալ Քրիստոսին ամբողջ էության անկեղծությամբ և գորացած հավատով դեպի Քրիստոս քայլ անել ճշմարտության ճանապարհով, բախել Փրկության Կենաց դուռը, և վստահ եղեք, Տերն անկեղծ հավատքի յուրաքանչյուր արտահայտության ունկնդիր է լինում և երբեք անպատասխան չի թողնում մեր խնդրանքները:

Տիրոջ Մարմինն ու Արյունը ճշմարիտ կերակուր և ըմպելի են, որովհետև մեղքերի և սայթաքած անօրենությունների դիմաց դեղ են մաքրության և հավիտենության առհավարչյա. «Որ ուրիշ գմարմին իմ, և ըմպել գարին իմ, ունի զկեանս յաւիտենականս» (Հովհ. Զ 55): Այս կապը զալիս է դեռևս մեր նախահոր՝ Ադամի ժամանակներից, ով ուրելով մեղանչեց ու հետո մեռավ, այսինքն՝ մեր բնության մեջ մեղքը ուրելով ներգործեց, և մեզ այսօր Աստված ևս մեկ անգամ առիթ է տալիս մարմնով, այսինքն՝ Փրկության Կենաց հույսով արդարանալ և անմահանալ:

Սակայն այս ահավոր խորհրդից պետք է զգուշանալ, որովհետև Պողոս առաքյալն սթափեցնում է՝ ասելով. «Թող մարդ նախ ինքն իրեն փորձի և ապա ուրի այդ հացից ու խմի այդ բաժակից, որովհետև ով ուրում է և խմում անարժանորեն, իր իսկ դատապարտությունն է ուրում և խմում, քանի որ չի գատորոշում Տիրոջ մարմինը» (Ա Կորնթ. ԺԱ 28-29):

Մեր հայրերը ճշմարիտ հաղորդության երեք կարևոր կետ են նշում՝ հավատ, գիտություն և սրբություն: Հավատալ ի Քրիստոս Իր փնօրինական բոլոր խորհուրդներով, որը քրիստոնեական կենցաղավարության սկիզբն է ու հիմքը և որը հավիտենության առաջին գրավականն է:

Անշուշտ հավաքեն առանց իմացության և գատորոշման անիմաստ է, որովհետև եթե չգիտես, թե ինչի և կամ ում ես հավատում, չես կարող հավատալ:

Առավել ևս եթե ամբողջ գիտությամբ հավաքե ունես առ Աստված և այդ ամենն առանց կյանքի է, այսինքն՝ սրբության ու մաքրության Քրիստոսավանդ Խաչի ճանապարհով կյանքում չի դրսևորվում, պարզապես մնում է այդպես անկենդան ու անգոր խոսք միայն:

Երեկ մեր Եկեղեցին փոխեց Ս. Սարգիս քաջազոհ գորավարի, նրա որդի Մարտիրոսի և 14 զինվորների հիշարակը, ովքեր մարտիրոսացան՝ դրսևորելով անկուրտուն կամք, անուրանալի հավաքե ու մշտանորոգ սեր դեպի իրենց Արարիչը: Այս սիրտ ուժով Ամենայն Հայոց Գարեգին Բ Հայրապետի կարգադրությամբ Եկեղեցին հաղկապես ուշադրություն է դարձնում մեր ազգի գորավոր կորիզը հանդիսացող երիտասարդների վրա, ովքեր մեր ազգին հզոր ապագա և պայծառ երազների իրականացում են ներշնչում:

Այսօր այս Ս. Խորանի վրա Քրիստոսացող նշխարն ու գինին նոր սիրտ լուծի քաղցր պլուրն է, որ պիտի ներգործի մեր ժողովրդի հոգուց ներս և իր ուժով սրբագործի, գորացնի ու սիրով լցնի, «որովհետև Աստված է այս հացը, որ իջնում է երկնքից և կյանք է տալիս աշխարհին... և թե մեկը այս հացից ուրի՝ հավիտենապես կապրի» Քրիստոսի մեջ և Քրիստոս էլ կապրի իր մեջ:

Ես մաղթում եմ, որ Հոր Աստվածո առաջնորդությունը, Քրիստոս Աստվածո մշտամնա ներկայությունը և Ս. Հոգու մշտանորոգ ներգործությունն ամենքիս հետ լինի և մանավանդ երիտասարդներին անսասան հավաքե, Աստվածային իմաստություն և սրբացող կենցաղավարություն շնորհի:

Տիրոջ շնորհը, սերը և խաղաղությունը թող միշտ մեզ հետ լինեն և մեզ միշտ հաղորդության մեջ պահեն Ամենօրինալ Աստվածո հետ. ամեն: